

مسئله‌های فلسفه

در سعادت به باب عالی جاده‌شده
اداره مخصوصه
محل اداره :

خطاب :
مسئله‌ها، موافق آثار جدید معاصرین
فیروز اولیاد
درج بدلی، آثار عاده ارتقا

دین ، فلسفه ، ادبیات ، حقوق و علوم دین باحث هفته‌لق رساله‌در

در سعادت نسخه سی ۵۰ باره در

مؤسسه : ابوالعلا زین‌العابدین - ح . اشرف ادیب

فیلد دن مقوا بورو ایله کوندریایر سه سنوی
۲۰ غروش فضله آلیر

تاریخ تأسیسی :
۱۱ خمرز ۳۲۴

درسه دتمه	سنه لکی	القی آیانی
ولا باند	۸۰	۴۰
مملک اجنبیه ده	۸۰	۴۰

در سعادت بوسه ایله کوندریایر سه ولایات بدلی اخذ اولور.

ایکنجی جلد

۲۸ جمادی الاول ۳۲۷ پنجشنبه ۴ خمران ۳۲۵

عدد : ۴۱

ارباب استقامتک مسعودتی

استقامت و عفت اربابی حقیرنده امر محقق اولان احراز سعادت دارین بیانه دائر آیات و احادیث پک چوقدر . بالخاصه « حم » سجده سورده سنده کی شو آیت جلیله تبشیرات عظیمه بی محتوی اولمغله بومقاله مزه اساس اتخاذ اولوندی : استعید بالله (ان الذین قالوا ربنا الله ثم استقاموا تتنزل علیهم الملائکه ان لا تخافوا ولا تحزنوا و ابشروا بالجنة الی الی کتم توعدون) معنای شریفی :

(ان الذین قالوا ربنا الله) علی التحقیق اول کیمسه لکه ربمز ، مربی حقیقی و خالقمز ، مدبر کاه امورمز انجی الله عظیم الشاندر دیدیلر ، اقرار ربوبیت و وحدانیتله عبودیتلرینی اعتراف ایتدیلر (ثم استقاموا) بونکله برابر بو اقرارک مقتضاسنه رعایت ، وظائف دینیته ک جملهنه مبادرت ایلدیلر (تتنزل علیهم الملائکه) مهمات دینیته بوندیویه لرنده امداد و معاونت ایچون اوزر لرینه ملائکه کرام تنزل ایدر لدی الاقتضا یا نلرینه ملکر کلرک قلیلرینه الهام خیر ایدر ، هر درلو معاوننده بولونورلر .

(ربنا الله) ترکیب شریفی « صدیقی زید » عباره سی کبی تخصیص افاده ایدر . بناء علیه مفاد کلام « ربمز یا لکنز الله ذوالجلالدر . آندن باشقه معبودمز یوقدر « دیمک اولور . (رب) اسم جلیلی فی الاصل تربیه یعنی هر شیئی قابلیتته کوره مرتبه کماله ایصال معناسنه مصدر ایتسه ده شو وصفک علی وجه الکمال ذات الوهیت سبحانهیده تحقق ایتسنه بناء اسم اوله رق جناب باری تعالیه اطلاق اولمغده در .

تربیه صفت الهیه سنده خلق و ایجاد ، ابقای وجود و محافظه نظام

داخلدر . چونکه برشیئی کال لائقه ایصال ایتک اولجه اونوی وار ایتکله ، وجودینی ادامه ایله هر درلو موافقی ازالیه وابسته در ، زیرا حال عدمده قالان یا خود عدم حالته تحول ایدن شیئی کاله ایصال قابل دکلددر . حتی بوکا بناء (رب العالمین) تعبیر شریفی (خالق العالمین) تعبیرندن ابلغ و اشمل اولوب جناب حقک جمیع محامد و انبیه استحقاق الهیسی اشبو وصف جلیل ایله توضیح و تعلیل بیورلمشدر . [۱]

(ثم استقاموا) قول کریمی ده اقرار واقعک مقتضاسنه تمام اراعات اوامر الهیه دائر مسنده سی و حرکت لزوم و وجوبنه دلالت ایتکده در . فقط هر خصوصده استقامتی کوزه ده رک بحق ایضای وظائف اقرار وحدانیته نسبت پک زیاده حائز صعوبت اولسنه مبنی تراخی فی الرتبه اشعار ایدن « ثم » کله سیله مابقبله عطف اولونمشدر . فی الحقیقه حق و صوابی اعتراف ارباب بصیرت و نظر نزدنده کوچ یرشی دکلددر . لکن دائمابونقطه ده ثبات ایله قولک فعل ایله تأییدینه مونقیت ، افراط و تفریطدن کاینجی مجازت هر صاحب ادراک میسر اولمیان خصائل نادرده دن معدوددر .

مقاله سالفه ده وصف استقامتک اهمیت فوق العاده سی باینده مدار استنادمز اولان (فاستقم كما امرت) نظم جلیلک محتوی اولدینی (ولا تطعوا) ایله آنی تنقیب ایدن (ولا ترکنوا الی الذین ظلموا فتمسکم النار) آیت کریمه سی استقامت فی الدین وظیفه عالیه سنی اخلاص ایدن ایکی خصلت ردینه دن تشریح محاذیر ایله بزى اکیداً و شدیداً زجر ایتکده در . اونلرک بری طغیان و تجاوز حددرکه وظیفه خارجه

[۱] سورمه فاتحه تفسیرینه مراجعت

چیقمق واولی الامرک مشروع امرالینه قارشى طورمق ، کندیلرینه مودوع وظائفه مداخلهده بولونمق بونده داخلدر . بونک نه درجه بادی مضرت و باعث مسئولیت اوله جنی وارسته ایضا حذر .

دیگری ده ظالمه رکوندرکه تفسیر کشفده بیان اولندیغی اوزره مرتکب ظلم اولان کسانک هوالینه متابعت ، بلاضروره کندیلرله مجالسه ومصاحبت ، ارتکاب مداهنه ایله جلب رضالینه رغبت ، دعا واحترام ایله اظهار محبت ، حتی شکل وقیافته التزام مشابیهت بیه بوجرمک مشمولاتنددر . چونکه تحریم بیوریلان « رکون » میل یسیر ، فی الجملة تمایلدن عبارتدر . باشقه صورتله ظالمه اعانه ایتک بالفعل ظلمه اشتراک ، زمره ظالمینه الثحاف دیمک اوله جنی امر آشکاردر .

تفسیر جلیل مذکورده مروی اولدیغی اوزره ، خلفای عباسیهدن حائز عرفان برذات انشای صلاته امامک بو آیتی تلاوت ایتسیله متأثراً دوشوب بایلمش . بعدالافاقه استفسار کیفیت ایدلمسی اوزرینه « ظالمه ادنی مرتبه میل ایدنلر بوجمله مستحق عقوبت اولورلر ایسه بزم کی ایقاع ظلمه جرءتیاب اولانلرک نه درجه دوچار عقاب اوله جقلرینی ملاحظه ایتدم ، بوندن طولایی استیلای دهشت ایله بیهوش اولدم » جوابی ویرمش ایدی .

سفیان ثوری رح دیورلر مش که جهنمه غایت شدتلی بروادی واردر - که «ویل» نامیه معروف وادی اوله جق - اوراده ظلمه زیارته شتاب ایدن علما مذهب قلنه جقدر . بر حدیث شریفده « من دعا لظالم بالبقاء فقد احب ان يعصى الله في ارضه » بیورلمشدر . یعنی هر شخص ظالمک بقاسنه دعا ایدن کیمسه یر یوزنده جناب الله قارشى دوام عصیان محبت ایتمش اولور « بوايسه شائبه استحلاله نظراً کفره یاقین برخطادر » اه .

ایشته اغراض فاسده سائقه سیاه ارباب نفاق وشقاقک بی محابا اعتیاد ایلدکاری بوایکی خصالت ردیه - که هر برینک شعبات متنوعه سنه نهایت یوقدر - تماماً اورته دن قالمادجه . تصحیح اخلاقه هواپرستانه حرکتلر القا ایلدکه مستقیانه ایش کورمک ، منافع ملیه تعقیب ایدلمک قابل اولیه جنی شو آیت کریمه دن ده مستبان اولمقددر . [نصل که امام حسن بصری بردفه بو آیتلری تلاوت ایله « دقت ایدیکز که جناب باری دین حق ، استقامت مفروضه بی ایکی « لا » آرسنه وضع ایلشدر » بیوردی . یعنی « لاتطغوا » ایله « لاترکناوا » صیغه لرینک مقتضاسنه مراعی اولیان کیمسه دیندن ، استقامتدن بحث ایتسون دیمک ایستدی .]

« ثم استقاموا » نظم کریمنی صاحب کشف « ثم ثبتوا علی الاقرار ومقتضياته » عباره سیله تفسیر ایتشدر ؛ اعتراف وحدانیتدن صوکر شو اقراری محافظه ایله مقتضیاتنی ، دین اسلامک آمر بولندیغی وظائف عدل و دادک کافه سنی التزام ایتدیلر ، صراط مستقیمدن ایرلما دیلر دیمک اولور . نصل که جناب صدیق اکبر ، یارغار پیامبر افندمر مقام تفسیرده « استقاموا فعلاً كما استقاموا قولاً » بیورمشلدر . یعنی

مؤمنلر اعتقاده دائر طوغری سوزلرینی هر خصوصده التزام استقامتله تأیید ایتدیلر ، نقض اقراردن صاقدیلر . فقط بو افاده دن آکلاشلمه سون که استقامت اهلی اولمق ایچون انسان لایخطی اولمق ، هر درلو سهو وخطادن مصون قالمق شرط قلیور . خایر ! بو اشتراطه هیچ بر دلیل شرعی مساعد ذکلدر . بو ادعائزینی مشار ایله حضرتلرینک کلام دیگرلرله اثبات ایده بیلیرز . شویله که برکون خلیفه مشار ایله بو آیت جلیله بی تلاوت ایله حضاره خطاباً « ما تقولون فيها » یعنی بو آیتک حاوی اولدیغی « ثم استقاموا » قول کریمنی نصل تفسیر ایدرسکز بیوردی . اولر « لم یفنبوا » اصلا کناه ایشله مدیلر دیمک اولمیدر ، دیدیلر . بیوردی که « حملتم الامر علی اشدّه » امر استقامتی الک کوچ احتماله حمل ایتدیکز . بنجه « لم يرجعوا عن الحق الى عبادة الاوثان » دییه تفسیر اولونمالیدر . یعنی دینده ثبات ایله احکامنی کوزتدیلر . بئرسنلکه رجوع ایتدیلر ، حقدن ایرلما دیلر . بونی مؤید احادیث و آثار چوقدر .

مناسرتی اسماعیل هفی

انکلیز م اشرفلرندن متوفی الیاس جون ولکنسون کتب طرفندر تألیف اولان « تاریخ اشعار عثمانیه » نام اثر قیمته دارک احتوا ایلدیکی اشعار عثمانیه ترجمه لرینک اصللرینی جامع اولمق اوزره تنظیم و ترتیبه اعتنا اولان و اخیراً نسخه سی رساله من نامه اهدا و تحف ایدیلن اثر کزینک مؤلفی ادوار برون جانبدن ونوع بولان طب اوزرینه مکتب حق عثمانی مأذونلرندن و که مبرمج دارالفنون Master of Arts عنان علیسی اربابندن وانکلیزینک جمعیت آسیائیة ملوکیه ی اعضاسندن خلیل خالد بک افندی طرفندن اثر ومؤلفی حقدنه بعض خاطرات وملاحظاته دائر قلمه آلمان مقدمه بدیمه نک قیمت ادبیه سنه وتمهیم فائده سنه بناء بوجه آتی نقل ودرجی مناسب کورلمشدر :

معلومات بشریه نک هر هانکی شعبه سنه عائد اولورسه اولسون وجوده کتیریلن آثار قلمیه یه انکلیز لساننده « ادبیات » تسمیه سی جائزدر : ادبیات تاریخیه ، ادبیات سیاسییه ، ادبیات فیه کی . بزده « ادبیات » کله سنک معنایی پک محدوددر ؛ یالکیز آثار شعریه یه ادبیات اطلاق ایدیورز . فی الحقیقه فقه کی ، تاریخ کی مباحثه متعلق بعض آثار محرره استثنا ایدیلرسه لسانزده یارم عصر اوللرینه کلنجیه قدر آثار منظومه دن باشقه ادبیات نامه بللی باشلی مدونات وقوعه کله مشدر . بناء علیه ادبیات عثمانیه نک تاریخی یازمق ایستین بر محرر آثار منظومه دن ماعدا موضوع بحث ایده جک شیلره پکده تصادف ایلیه من . ادبیات عثمانیه نک مفصل واک مدققانه تاریخی انکلیز لساننده یازیلش وبواثره :

« A. HISTORY OF OTTOMN POETRI »

یعنی « اشعار عثمانیه تاریخی » تسمیه اولونمشدر . ایشته مقدمه سنی یازمقلم لطفاً تکلیف اولونان بو جلد اشعار عثمانیه تاریخنک بوندن اولکی جلدلرند ذکری بکن و ترجمه لری اجرا ایدیلن ایساتک اصللرینی حاویدر . اشعار عثمانیه تاریخنک مؤلفی اولان « کب » ک نامنی عثمانلی اصحاب قلمنک هان کافه سی طاییر . بو ذاتی عثمانلی ادبانه